

四庫全書

史部

# 欽定四庫全書

史部

硃批諭旨卷一百三十六之十

臣 永瑤 恭校

編 修 臣 裴謙 覆勘

總校官中書 臣 朱 鈐

校對官中書 臣 王鍾泰

謄錄監生 臣 戴 琨

欽定四庫全書

硃批諭旨卷一百二十六之十

硃批田文鏡奏摺

雍正五年四月二十八日河南巡撫

臣

田文鏡謹

奏為欽奉

聖訓據實覆奏事雍正五年四月初七日

臣

家人齎回

臣  
覆

奏遵

旨密拏耿炳光許登第一摺奉有

硃批諭旨伏思

臣

自雍正二年欽奉

聖諭密拏邪教無時無刻不加察訪凡見一屬員無不  
諄諄囑咐并許其自能訪拏

奏請

皇上天恩免其失察處分若被上司及鄰封州縣拏獲  
定行嚴叅請

旨加倍治罪各地方官亦無不禁止查拏即入廟燒香

地方

上羣聚衆會男女混雜因屬應禁至若春秋報

迎神賽會臣亦咨會鄰省協同禁止在案况現聞

酬神

祭饗此即大雅爾酒既清爾般既馨公尸燕飲福

有謀為不軌之事臣恨不得立即擒獲盡法痛處

祿來

成之遺意安可阻遏其興或有乘機局賄以及地

以快人心何敢輕率疎畧致使漏脫此等邪教誠

棍借端科歛則當嚴禁痛懲律設大法禮順人情惟匪

如

類之情斷不宜順其餘鄉風土俗不得不俯從其便也聖諭率皆詭託深藏惟彼同類之人聲應氣求原無彰

明較著形迹猝難發摘查拏之法又當求其實在證

據方可拘拏否則滋擾株連矣况又不可直指查

拏邪教為名自當借題設法臣令各屬明借查點

保甲暗則察訪邪教則其人平日作何生理與何等  
人往來家中有無別項舉動鄉保鄰佑常無不  
知從此稽查或可根究今又欽奉

訓旨乘機將類斯邪教逐一搜剔為百姓除殘去穢肅  
清地方臣又飛飭各屬務期竭力同心嚴查密訪外

臣於閏三月三十日准山西撫臣德明咨覆俟得

其事已明果不出朕始初所料  
有確供另行移咨等語臣

俟移咨到日自當遵

旨作速料理也至於老瓜賊此種劫賊深可痛恨常設法誅鋤  
臣已協同按察使彭維新

設法用力緝捕在案不敢少有寬縱貽害地方又  
於臣恭報得雨透足二麥秋禾長茂一摺奉有  
硃批諭旨仰惟我

皇上敬

天法

祖宵旰勤求既蒙

上天

聖祖鴻庥各省雨暘時若則

批發爾摺之後即又得雨今歲直隸在在皆然膏澤不京畿密邇更必深霑沉沉陰黯靄甚有可望諒已大

普陰晴靡定或濃雲遠翳或乍息亟零今夕此處祈禱沛甘霖臣跪讀

諭旨一聞明晨彼處報足職此之故數月總未釋懷及至麥秋據

聖心憂鬱犬馬愛直督奏稱通計竟有六七分收成亦可謂大幸矣

主之心不勝驚惕惟默禱

上蒼早沛甘霖一刻俾

天心早慰一刻耳至於豫省雨澤皆由

聖德格



天所致臣蒙

恩旨益切恐惶惟有竭盡血誠仰報

天恩於萬一所有奉到

諭旨理合恭摺覆

奏伏祈

聖鑒謹

奏

據爾以豫省雨澤歸美於朕語固不妄非但豫省即依

山傍海邊遠省分何一不關於朕耶所以云欲求民事  
天時不愆不忒全賴爾等大吏能體朕心以為心也若  
照直隸督撫輩不以朕心為心朕則無如之何更奇者  
畿內各府俱報霑渥惟保定一府未聞透足朕為之日  
夜憂虞莫置詎料宜兆熊等毫不介意所具摺內奏稱  
冬春以來雨雪既多麥苗長發甚好雖間有秋禾未種  
者今年閏月再遲數日無妨等語似此小民疾苦漠不  
關心不啻秦人之視越人而冀感召

天和下應豈可得乎再年歲豐歉於奏報之虛實即可定  
封疆大吏之誠偽朕之所以諄諄垂示於卿等有厚望  
焉特諭

同日又

奏為恭報二麥收成分數及雨澤汎水情形仰慰

聖懷事竊查豫省自雍正五年閏三月初三日起至十

二日止連得雨澤情由經

臣

恭摺奏

聞現今二麥俱已登場茲據開封等八府所屬暨陳許

等七州竝所屬各縣報稱地土雖有高下不等竝皆十分豐收除將送到瑞麥現在恭疏具

題外所有已種各色秋禾亦皆長發茂盛更兼入夏以來雨水極其調勻據各屬報到閏三月二十二十四二十七二十九三十等日四月初三初七初八初九十一等日各處得雨入土四五六七八寸及尺餘不等臣查所報雨澤非一日之內通省普被或有數處同日得雨或有數處先後各日得雨

數日之間周流輪轉總之土膏無一處不霑渥秋  
禾亦無一處不茂盛白叟黃童歡聲載道皆謂年  
穀順成實有千倉萬箱之樂雨暘時若咸慶五風  
十雨之祥此皆我

皇上聖敬格

天大孝格

祖之所致豫省臣民何修何幸而得逢斯盛也再臣伏查  
豫省今歲黃河於本年四月初九初十十一等日

欽定四庫全書

卷一百二十六之十

長水四尺五寸因河底刷深竝未出槽各處堤工  
俱獲平穩臣惟有愈加小心敬謹防護以期仰副  
聖懷於萬一耳所有二麥收成數暨雨澤汎水情形  
理合繕摺奏

聞謹

奏

以手加額欣悅覽之今歲二麥豐收景象叨蒙

上蒼慈眷

聖祖默佑直省彷彿相同竟可稱為大有惟汝河南最為  
第一朕實慶幸而益增敬慎至若秋成豐歉則未敢逆  
料如何若何也

雍正五年六月初三日河南巡撫臣田文鏡謹

奏為恭報雨澤暨汎水平穩情形仰慰

聖懷事竊查豫省自雍正五年閏三月二十二日起至

四月十一日止得雨霑足情形業經臣繕摺奏

聞今據各屬陸續報稱又於四月十三十六十七十八

十九二十二二十三二十八五月初一初四初五  
初六十一十二十三十五十九二十二二十四二  
十五二十六六月初一等日甘霖疊沛自五六寸  
起至尺餘不等臣查通省之中雖非一日之內同  
時得雨而周流輪轉高下地畝竝無一處不霑渥  
秋禾雜糧亦無一處不茂盛轉盼秋成可望十分  
收穫至於附近都省近時雨澤臣雖不及盡知然  
不時訪聞亦皆霑足益切歡忻惟聞陝西地方於



今歲陝省二麥收穫可稱十分昨閱法敏奏摺未云缺

二麥收穫之後雨澤未遍秋禾亦尚未盡種但臣

雨爾

之所聞得無不確乎麥秋後止保定滄州數處雨

缺近

日亦報霑足矣

聖懷也再查豫省黃河於本年五月初一日據陝西寧

夏府知府鈕廷彩報稱本年四月十八日黃河水

長二尺

臣

隨移咨總河

臣

齊蘇勒副河

臣

嵇曾筠

併飛飭道廳印汛各官令其協力加謹防護毋得

疎忽嗣據管河道竝各河同知報稱五月初二初

三等日沿河水勢深淺不等除長落相抵外淨長

水自一尺二寸起至三尺二三寸不等隨即消落  
不覺水勢已過竝未出槽兩岸堤工俱極鞏固又  
於本年五月二十八日據寧夏府報稱本年五月  
十七日黃河水長一尺餘臣復移咨正副河臣竝  
飛飭道廳印汛各官協力加謹防護外臣查五月  
二十五日已交初伏前次長水既多不覺而近時  
水勢亦復安瀾雖每日長水自五六寸起及一尺  
四五寸不等亦隨即消落工程俱各平穩皆因河

底深暢水由地中之故然臣實不敢因此稍懈惟  
有益加小心協力防護以副

聖懷所有豫省雨澤汎水竝秋禾暢茂情形理合恭摺  
奏

聞謹

奏

仰仗

上蒼垂祐能保固全河兩三年無虞朕心方敢少釋也竭

力加慎加勉爲之

同日又

奏為據實奏明仰祈

聖鑒事竊

臣

伏查前撫

臣

石文焯於雍正二年九月內

奉

差赴浙散賑之時有銀一千四十九兩零發祥符縣庫

以備公用竝無文案隨據祥符縣稟稱係前糧道

陳時夏所交辦漕應送撫臣規禮

臣

查此時陋規

未盡禁革應有此項銀兩雍正三年二月內布政

使今陞廣東撫

臣

楊文乾詳稱祥符縣所屬之黑

堽鹽廠柳園草廠等四處渡口俱係章奏往來官  
民絡繹之地並未設有官船向係民間私渡不但  
船隻稀少抑且破爛不堪一遇緊急差使每虞乏

船應用請將前撫

臣

石文焯所存前項縣庫銀內

亟

當購

造

濟渡

動發銀六百兩購料造船以便往來茲據布政使

造冊詳報共造船八隻分發各渡口應用外實動

用過銀六百一十二兩零尚餘銀四百三十六兩  
零仍存縣庫今又據布政使費金吾稟稱豫省所  
屬登封縣境內

中嶽廟西廊近被大風吹損椽瓦剝落又廟門牌樓

應修

亦有損壞之處急宜修葺約需銀數百餘兩請將

祥符縣剩存之銀以為此項修葺之用臣伏思夏

月正值大雨時行之候若不蚤為修理誠恐將來

一經坍塌工費必致愈繁隨飭令布政使將前項

剩存銀四百三十餘兩發給登封縣令其作速估  
計修理毋庸再動別項公帑但臣查此銀係前撫  
臣石文焯留貯克公之項既經造船修廟動用無  
存理合繕摺

奏明仰祈

聖鑒謹

奏

覽

同日又

奏為欽奉

聖訓據實覆奏事雍正五年五月二十四日

臣

家人齎

回臣覆

奏遵

旨密拏邪教摺內欽奉

硃批諭旨地方上羣聚衆會男女混雜固屬應禁至若

春祈秋報酬神祭饗此即大雅爾酒既清爾殽既馨



公尸燕飲福祿來成之遺意安可阻遏其興或有乘

機局賭以及地棍借端科歛則當嚴禁痛懲律設大

訪

聞邪教人等惟河南山東及直隸南四府最多率皆

夜

聚明散踪跡甚秘非深入其教者斷不能窺測底裏

察

不得明散踪跡甚秘非深入其教者斷不能窺測底裏

九重之

縣有司亦無從探其脈絡蓋胥吏中即有黨羽為之耳

聖

心已周悉部屋茆簷之民隱報賽田功正見

目

以伺官之動靜非才能牧令默運機巧設法鉤致弗

王

風之盛春秋社飲不入禁限之條臣自當恪遵

充

緝獲云云既有此說諭爾知之庶便隨時留心也

諭

旨酌量施行又蒙

大

臣等謹將此諭恭摺具奏伏乞聖鑒訓示謹奏

十

二

聖諭其事已明果不出朕始初所料欽此仰見我

皇上聰明天亶

睿算無遺此等無知之徒造言生事豈能仰逃

聖鑒又蒙

諭旨此種刦賊深可痛恨當設法誅鋤欽此臣查老瓜

賊為害地方實匪淺鮮臣遵當再飭各屬時刻留

心協力嚴拏以靖地方又於臣恭報二麥收成暨

雨澤汎水摺內欽奉

硃批諭旨以手加額欣悅覽之今歲二麥豐收景象叨  
蒙

上蒼慈眷

聖祖默佑直省彷彿相同竟可稱為大有惟汝河南最為  
第一朕實慶幸而益增敬慎至若秋成豐歉則未敢  
逆料如何若何也欽此又臣覆

奏雨澤摺內欽奉

硃批諭旨批發爾摺之後即又得雨今歲直隸在在皆

然膏澤不普陰晴靡定或濃雲遠翳或乍息亟零今夕此處祈禱明晨彼處報足職此之故數月總未釋懷及至來秋據直督奏稱通計竟有六七分收成亦可謂大幸矣欽此又蒙

諭旨據爾以豫省雨澤歸美於朕語固不妄非但豫省即依山傍海邊遠省分何一不關於朕耶所以云欲

求民事天時不愆不忒全賴爾等大吏能體朕心以

近

日以來京師左右地方雨水十分均調惟保府於五

為心也若照直隸督撫輩不以朕心為心朕則無如

月

盡方得透雨大奇

之何更奇者畿內各府俱報霑渥惟保定一府未聞  
透足朕為之日夜憂虞莫置詎料宜兆熊等毫不介  
意所具摺內奏稱冬春以來雨雪既多麥苗長發甚  
好雖間有秋禾未種者今年閏月再遲數日無妨等  
語似此小民疾苦漠不關心不啻秦人之視越人而  
冀感召

天和下應豈可得乎再年歲豐歉於奏報之虛實即可定  
封疆大吏之誠偽朕之所以諄諄垂示於卿等者

望馬特諭欽此仰惟我

皇上念切民依勤求民隱九州四海萬國遐荒莫不上

厯

聖心務使各得其所因而

上天默佑

聖祖垂庥今歲二麥直隸已慶豐年各省亦書大有臣蒙

恩遇職守封圻雖無時無刻不仰體

聖心兢兢業業而性本庸愚豈能仰冀萬一日切惴懼

今蒙

天恩嘉獎益深悚惕臣惟有愈竭愚誠永矢圖報而已  
所有奉到

硃批諭旨理合恭摺覆

奏謹將原摺一併恭繳謹

奏

覽奏俱悉

緝盜一摺甚屬可嘉不必更行具題摺留中候另有諭

旨

雍正五年六月二十日河南巡撫

臣

田文鏡謹

奏為恭報得雨日期暨秋禾暢茂情形仰慰

聖懷事竊查豫省自雍正五年四月十三日起至六月

初一日止得雨霑足情形業經

臣

恭摺奏

聞今又據各屬報稱於本年六月初二初三初四初五

初六初七初八初九初十十一十三十六等日或

數處同日得雨或數處先後得雨通省之中周流



輪轉雨水極其調勻高下地畝土膏極其霑渥現  
今高糧蚤穀蚤黍以及芝麻花豆等物俱已出穗  
揚花較之往年更加肥碩轉盼秋成大有可望再  
查晚穀晚黍并黑豆雜糧等物亦無不暢茂條達  
青葱遍野童叟歡呼皆謂我

皇上誠敬孚恩膏普被之所致也臣職任封疆幸逢  
嘉會懼忤之餘復不勝夙夜敬畏冀以仰迓

天庥上慰

欽定四庫全書

原和詩音  
卷一百二十六之十

十一

聖懷所有豫省得雨霑足并秋禾暢茂情形理合繕摺具

奏仰祈

聖鑒謹

奏

實慰朕懷凡督撫大吏果有體國愛民之實心自蒙上蒼錫佑也此理朕信之最確

同日又

奏為伏汎已過工程平穩仰祈

聖鑒事竊查豫省南北兩岸堤工埽壩仰蒙

皇上敬

天愛民周詳指示復不惜百萬帑金連年修築是以百靈

效順汎水安瀾雖前據陝西寧夏府知府鈕廷彩

兩次具報黃河水長然瞬息之間不覺水勢已過

工程平穩業經臣繕摺奏

聞今於雍正五年六月初三日又據寧夏府報稱本年

五月二十五日黃河水長二尺五寸

臣隨移咨正

副河臣竝嚴飭管河各官率領兵夫住宿堤上加  
謹修防外嗣據各河同知報稱六月十二十三等  
日黃沁竝長但查沿河水勢除長落相抵外內河  
寬而深者長水僅止一尺二三寸不等其河狹而  
淺者長水亦僅止四尺不但水勢寬緩出槽之處  
甚少抑且隨長隨消其涸可立而待今伏汛已過  
一切堤工俱各平穩通省官民歡聲雷動但現今

已交秋汛臣仍飭管河各官時刻修防加謹保護  
外所有伏汛已過堤工平穩緣由理合繕摺具

奏上慰

聖懷謹

奏

雖據奏稱工程平穩朕懷何能便釋直待秋汛過後方  
敢言無虞也慎之又慎全河上下能保兩三年無事庶  
幾底定可期今歲雖無霖雨淋漓而水發甚驟朕所以

時刻屢念不已

同日又

奏為敬陳出借倉穀之積習不可不除伏乞

睿鑒事竊惟常平等倉穀石關係重大自當出陳易新以防紅腐故於青黃不接之時有存七糶三之例春間出糶秋收後買補還倉又有存七借三之例春間出借秋收後加息完納法至善也乃各州縣奉行不善每於開倉出借之時即有頑紳劣衿姦

牙積蠹串通鄉保地方俱將佃戶家人姓名填入冊內臨點應名影射地方官無從查其誠偽雖每名下不過借穀四五斗不等當官零星借出即交伊主彙聚成多一人名下竟有二十石不等究之無食無種貧民顆粒不得到手及至秋收後徵比還倉俱係紳衿牙蠹出頭赴比皆稱實係伊等借欠方知借穀時所造花名乃係捏造紳衿倚恃護符礙難責比牙蠹又復刁頑不畏刑敲詳則不

勝其詳革則不勝其革州縣各官瞻徇因循挨至  
次年春間只得倒換借領將去秋之舊欠改作今  
春之新借以愚盤查官耳目俾出陳易新之良法  
遂成虛套故事此輩習以為常牢不可破一至交  
代時新官賢而能者或不肯接受令舊官代賠或  
竟詳揭虧空在舊官名下追補倘新任之員係一  
庸吏竟視為民欠可以代徵居然接受及至無完  
又蹈前轍而抗欠穀石之紳衿牙蠹反得脫然事



外臣請

敕部嚴行定例每年春間借出穀石自秋收後徵比勒  
限十月終務令盡數還倉造具完穀冊收申送報  
部年終知府直隸州下縣盤查其府州倉穀責令  
該管道員盤查出具印結申報如逾限不完或捏  
造冊收該府道員即行揭報叅處除本官照數追  
賠外仍令欠戶照數完納不得因本官既賠此數  
即將欠戶豁免以市私恩倘查係紳衿牙蠹所欠

不論多寡槩行詳革加倍追還仍照抗欠錢糧例  
初責其代為造冊之鄉保地方嚴審有無受贓分  
別治罪如該管上司不行揭叅察出照徇庇例議  
處庶幾立法嚴而各知有畏懼不敢捏名冒借抗  
欠不還而無食無種貧民得以均沾實惠矣臣不  
揣愚昧謹獻芻蕘如臣言可採伏乞

皇上特降

諭旨敕部定例永遠欽遵施行謹

奏

常平倉穀存七借三之弊天下人所共悉者朕久思剔  
除未得良策今若照此立法繩治則冒借抗欠諸弊不  
杜自絕矣田文鏡所奏甚屬可嘉交發九卿再加詳議  
通行直隸各省永遠遵循

同日又

奏為恭報動存耗羨銀兩數目仰祈

聖鑒事竊

臣

伏查豫省雍正二年暨雍正三年所有收

過各年耗羨銀兩併動支數目業經臣兩次繕摺

奏明今據布政使費金吾造冊詳報內開自雍正四

年正月起到年終止原貯司庫各年耗羨共銀二

十萬六千五百四十六兩零內除雍正四年二月

奏摺內已入新收雖開除項下註明未支而總數

內未經扣除銀一萬五千六百七十八兩零應即

開除外實存舊管銀一十九萬八百六十七兩零

雍正四年新收過各年耗羨併歸還原款共銀三

十五萬八千四百六十一兩零以上新舊二項共銀五十四萬九千三百二十九兩零內除咨明各部暨布政使詳明臣衙門存案動支過各官養廉併各項應需銀一十八萬五千五百九十九兩零實在貯存司庫各年新舊耗羨共銀三十六萬三千七百三十兩零其民欠各年耗羨銀兩統俟各屬徵收起解於雍正五年歲終臣再查明具

奏外所有雍正四年貯存動支過新舊耗羨銀兩年

款數目理合恭繕細摺一併據實奏

聞仰祈

聖鑒謹

奏

覽奏耗羨銀兩數目四柱井然足見查覈精詳但既積蓄如是饒裕則當酌量增添屬員養廉俾得寬舒總之此項斷無克作正供之理汝其領悉朕意或於整理倉廩開通水利等處斟酌動用將來若比此數更溢則恐

累民矣

雍正五年七月初四日河南巡撫臣田文鏡謹

奏為恭報得雨日期暨汎水平穩情形仰慰

聖懷事竊查豫省自雍正五年六月初二日起至六月

十六日止所得雨澤業經臣恭摺奏

聞今據各屬報稱又於本年六月十七二十一二十三  
二十四二十六及七月初二等日復得時雨自四  
五寸起至七八寸不等高下地畝盡皆優渥霑足

所種高糧穀黍內有極蚤者已經現在收穫其餘亦即在七月中旬均可收割至於晚穀晚黍花豆雜糧等物亦無不暢茂堅實總計通省可望十分豐收士農工賈歡聲匝地臣職任封疆不勝欣忭凜惕之至再查豫省黃河於本年六月二十一二十三等日據河員報稱六月二十二二十一等日長水自一二尺起至四五尺不等雖間有出槽之處然隨長隨即消落現今水勢安瀾河流循軌一切



工程俱各平穩臣仍協同副河臣嵇曾筠嚴飭管  
河各官率領兵夫住宿河干無分風雨晝夜時刻  
加謹防護務保無虞以祈仰慰

聖懷所有豫省雨澤汎水暨秋禾茂實情形理合繕摺  
具

奏伏乞

聖鑒謹

奏

覽奏朕懷曷勝欣慰地方大吏果能忠勤愛民則和氣致祥蒙

上蒼降福穰穰自然之理也第當勉之又勉慎之更慎毋存絲毫自得之心

同日又

奏為據實奏

聞事竊<sub>臣</sub>於雍正五年六月二十八日據河北鎮標中軍遊擊楊國祚懷慶府知府靳樹賢俱各稟稱本

年六月二十日聞得山西澤州大古等村有飲賭  
學拳匪類聚衆拒捕之事臣查澤州與豫省之河  
內濟源二縣壤地相接誠恐匪類越境潛藏隨即  
一面知會河北鎮臣紀成斌飭令各營汛弁加謹  
巡防一面嚴飭河北三府各該地方官嚴查保甲  
併於關津隘口村莊僻壤之處令其多撥人役嚴  
行盤詰併再飭通省地方官加意巡查外臣正在  
繕摺具

奏間於本年七月初三日又據懷慶府稟稱於六月  
二十七日接到澤州關文內開有靳廣焦養祿王  
君祿申三陳桂衛智潛逃懷郡所屬之濟源縣地  
方翟神仙家藏躲隨即密差妥幹人役飛赴濟源  
縣仍一面移知營汛協同查捕已於本月二十八  
日將翟神仙拏獲其餘姓名竝無蹤跡即將翟神  
仙錄取供情於本月二十九日差官撥兵押解澤  
州去訖合將所取供單鈔錄稟報等情據此臣思

此等匪類雖係一時畏法拒捕今已逃散但臣既聞鄰省有此等不法之事不敢不據實具

奏謹將遊擊楊國祚原稟并知府靳樹賢所取翟神仙供情一併繕寫恭呈

御覽為此謹

奏

更有一革職楊副將文內為何未見此名

同日又

奏為欽奉

聖訓據實覆奏事雍正五年六月二十一日

臣

家人齎

回臣覆

奏遵

旨密拏邪教摺內欽奉

諭旨訪聞邪教人等惟河南山東及直隸南四府最多  
率皆夜聚明散蹤跡甚秘非深入其教者斷不能窺  
測底裏察訪愈嚴則閉藏愈固不但地方大吏莫可

施為便州縣有司亦無從探其脈絡蓋胥吏中即有  
黨羽為之耳目以伺官之動靜非才能牧令默運機  
巧設法鉤致弗克緝獲云云既有此說諭爾知之庶  
便隨時留心也欽此臣跪讀之下仰見我

皇上至聖至明無微不照臣敢不時刻留心勤加察訪

茲復密飭各屬併見有才能之州縣令其遴選一  
二心腹之人改裝易姓潛入其教使之深信不疑  
或可得其詳確從而密首庶可盡其根株若州縣

隨時隨地

留心毋或少忽

別有查拏之法聽其施行務期匪類絕跡地方不

擾即是良法

臣

查豫省所屬惟南汝二府山深地

僻更易藏姦今蒙

皇上天恩特將貴州定廣營副將馬世龍陞補南陽總

楊鵬

亦係上好武員

兵官俾豫省西南半壁復得一賢能鎮臣與臣協

力稽查則地方更加嚴密矣又於臣覆

奏雨澤摺內欽奉

諭旨近日以來京都左右地方雨水十分均調惟保府



於五月盡方得透雨大奇欽此此皆我

皇上至誠感孚上格

天心近京輦轂之下自必普沛甘霖至於保定一府五月

近日

秋雨連綿不止朕心甚為憂懼

盡既得透雨則秋禾從此滋長預兆豐收臣不勝

踴躍忻忭又於臣條

奏城鄉分緝廳捕協緝二事欽奉

諭旨緝盜一摺甚屬可嘉不必更為具題摺留中候另  
有諭旨欽此臣查盜賊為害民生緝捕關係綦重敢

不悉心詳察據實敷陳乃蒙

皇上天恩逾格嘉獎臣何幸而遭逢

內外大臣悉應如是知無不言言無不盡聖主得以明目張膽盡所欲言臣惟有勤諸寸衷永圖

犬馬之報而已又於臣具

奏陝西地方雨澤未遍摺內欽奉

諭旨今歲陝省二麥收穫可稱十分昨閱法敏奏摺未

云缺雨爾之所聞得無不確乎麥秋後止保定滄州

數處雨缺近日亦報霑足矣欽此臣查豫屬之閩鄉

縣即與陝西潼關連界前因聞得陝西自二麥收穫之後雨澤未遍秋禾尚未盡種臣既有所聞敢不具

奏今又聞得陝西六月十五日酉時起至十六日辰時止甘霖霑足市糧價值頓減秋禾亦皆興發理

合恭

奏仰慰

朕亦聞之矣  
聖心又於臣

恭報汎水平穩摺內欽奉

諭旨仰仗

上蒼垂祐能保固全河兩三年無虞朕心方敢少釋也竭  
力加慎加勉為之欽此臣查豫省黃河仰蒙

皇上軫念民生周詳指示發帑興修是以汎水安瀾堤

工平穩臣跪讀

聖諭敢不時刻小心協同副河臣稽曾筠竭力修防以

上慰

天心仰報

聖恩於萬一所有微臣奉到

硃批諭旨理合繕摺覆

奏謹將原摺一併恭繳謹

奏

覽

雍正五年八月初四日河南總督臣田文鏡謹

奏為恭謝

天恩事雍正五年八月初一日臣齋摺家人回豫捧到

皇上賜

臣

荔枝一瓶

臣

隨郊迎至署恭設香案望

闕叩頭謝

恩祇領訖

臣

蒙

皇上天恩屢頒尚方珍品恪恭拜受赤膽早已披霞正

席先嘗丹心益思向日但

皇上之加恩倍篤則微

臣

之圖報愈難不勝夙夜傍徨

有何

可懼

勿用懷

慚

加勉

應然

朕亦

如是

慚懼交集

臣

惟有益

加勉

愈竭

駑駘

以仰報

弘恩於萬一耳所有微

臣

感激私忱理合繕摺

奏謝為此謹

奏

覽

同日又

奏為恭報秋雨日期暨汎水平穩情形仰祈

睿鑒事竊查豫省本年七月以來秋雨稍多臣恐秋禾

受寒隨即深自修省率屬虔禱荷蒙

皇上福庇自七月二十五日雨後豁然晴霽所種秋禾

早者俱各刈獲登場曬打收貯晚者上曬下蒸現在結實遍野如雲戶慶盈寧民情胥悅至於黃河水勢查自六月二十三日起至今一月有餘共長水自五六寸起至四尺一二寸止除長落相抵外淨長水三尺二三寸不等隨長隨落幸河身刷深並未出槽一切堤工埽壩俱各平穩臣仍嚴飭管河各官加謹修防以期無負

皇上天恩於萬一耳所有豫省秋雨晴霽暨汎水平穩



緣由理合繕摺具

奏仰祈

聖鑒謹

奏

據奏秋雨晴霽汎水安瀾及早晚禾稼各情形朕欣悅  
覽之

同日又

奏為恭報秋禾收成數仰慰

聖懷事竊查豫省秋禾今當收穫之際臣據開封等八

府所屬暨汝陳等七州併所屬各縣報稱豫省今

歲二麥大收之後即得時雨民間酌其地土高下

所宜播種高糧早穀早黍以及棉花芝麻等物皆

十分豐稔近日天氣清明俱已曬打收貯至於晚

穀晚黍蕎麥晚豆等物現在上曬下蒸含濡結實

亦莫不堅好穎粟栖畝黃雲萬頃一色在於寒露

前後均可刈獲登場臣詢之老農皆云如此豐年

從來未有萬民樂育童叟歡呼雖

王民皞皞不知

帝力臣敢不廣為宣布使之咸知為

皇上至誠昭格之所致也臣幸際

昌期恭逢

嘉會歡忭之下彌深敬畏除將送到瑞穀敬謹函封

另疏恭

進外所有豫省秋禾收成分數理合繕摺奏

聞上慰

聖懷為此謹

奏

覽奏不禁以手加額而復仰空虔肅也欣瞻中土麥禾  
齊登惟朕與卿同茲嘉慶

同日又

奏為請

旨事竊查豫省所屬之賈魯河一道臣於雍正三年六

月初三日准陞任布政使廣東撫臣楊文乾傳奉

諭旨飭行開挖

臣

查閱舊案細察形勢自鄭州屬之滎

陽縣起至陳州屬之沈邱縣止共計十一州縣紆

迴不下千里其間或深或淺或寬或窄不一而足

當康熙四十五年開挖之時除題銷議捐俸工銀

二萬九千餘兩外合計派之里下及通省大小各

官公捐實費銀二十餘萬兩極其浩繁且至四十

七年七月方能完工兩岸浮沙鬆土風括雨淋隨

至淤淺河流亦難經久費多益少又需時日不敢

輕舉妄行經臣覆

奏欽奉

皇上硃批諭旨此事原非朕所亟欲為者爾之意見甚是又奉

諭旨試再加籌度如得便捷良法費既不至浩繁又可

一勞永逸自應奏聞舉行否則且暫止耳欽此臣隨

即飭行布政使會同管河道委員逐細勘查去後

今據布政使費金吾管河道祝兆鵬詳稱沿河一帶若一概興修未免工程浩大糜費錢糧況於民田無礙無庸疏濬惟中牟縣屬之天麻堡至孔家莊止地勢低窪每至雨水過多民田間有淹沒又復環繞城邑一時難以就涸此亟宜疏濬以資宣洩者也且為費無多不日可以告成不比通行開挖之需費經時已據委員上南河同知劉永錫會同中牟縣知縣章兆曾逐一查勘據稱查得舊河

身共長四千七百四十丈內除五百二十丈並無  
阻塞不必疏濬外實應開挖四千二百二十丈再  
從新河添開八百九十五丈共應開挖五千一百  
一十五丈則中牟縣之水可以直達祥符縣屬原  
無阻塞之河內矣共計土十萬六千九百六十五  
方每方價銀八分八釐共需銀九千四百一十二  
兩零其所挖新土均分兩岸建築小堤每方應加  
平斂夯礮工價銀八釐共需銀八百五十五兩零



二共需銀一萬二百六十八兩零又士民冉克明等出具認結河成之後如或淤淺情願各照河岸地畝段落丈尺多寡每歲自行疏濬務使源遠流長不致壅塞等語繪圖造冊轉詳到臣覆查開濬水利原為民田起見與民田無益不得遽興浩大之工與民田有益亦不得惜疏挑之費況所費不及從前二十分之一又可以一勞永逸自應急請興工可否照依所估銀數動撥司庫耗羨銀一

萬二百六十八兩零臣遴委熟諳河務廉幹廳汛  
各員協同該縣領給銀兩令於今冬農隙速即雇  
夫挑挖俾水有所歸民資其利臣不敢擅便伏乞  
皇上訓示遵行為此謹

奏

此議甚好允係應興之役從來水利為農民第一要務  
不獨中牟為然舉凡類斯宜疏宜濬河道逐處周詳籌  
畫具奏以聞切毋惜費如爾地方上力有未逮朕自發

帑修治

同日又

奏為欽奉

聖訓據實覆奏事雍正五年七月初七日

臣

家人齎回

臣  
條

奏出借倉穀摺內欽奉

諭旨常平倉穀存七借三之弊天下人所共悉者朕久  
思剔除未得良策今若照此立法繩治則冒借抗欠

諸弊不杜自絕矣田文鏡所奏甚屬可嘉交發九卿  
再加詳議通行直隸各省永遠遵循欽此臣查常平  
等倉穀石關係綦重凡所以杜絕虧霉之道出陳  
易新之法已蒙

皇上洞鑒無遺屢頒

諭旨無一不訓誠詳明臣仰體

天心冒昧陳

奏乃荷

所奏誠屬是當已命通行直省矣  
聖恩逾格嘉獎臣實無知益滋惶悚臣惟有盡臣之心

竭臣之力以仰報

天恩而已又於臣恭報伏況平穩摺內欽奉

諭旨雖據奏稱工程平穩朕懷何能便釋直待秋汛過  
後方敢言無虞也慎之又慎全河上下能保兩三年  
無事庶幾底定可期今歲雖無霖雨淋漓而水發甚  
驟朕所以時刻屢念不已欽此臣查豫省黃河仰蒙  
皇上庥謨指示連年修築固已安瀾循軌可保無虞矣

乃猶以全河之保固不易汎水之消長靡常上厯

聖心臣伏讀

諭旨益加敬慎協同副河臣嵇曾筠嚴飭道廳印汎各

汝二人

之敬慎皆堪為朕所許且無論人事驗諸

官無分風雨晝夜率領兵夫住宿工所加謹修防

天道已可見矣

惟祈

上天默佑

聖祖垂休

河神著靈福國祐民而已又於臣恭報雨澤併秋禾

摺內欽奉

諭旨實慰朕懷凡督撫大吏果有體國愛民之實心自  
蒙

上蒼錫佑也此理朕信之最確欽此竊惟豫省連年百穀  
豐收此皆蒙我

皇上深宮敬修至誠感孚所致庸劣如臣不過適逢其  
盛與豫省官民共沐

皇仁浩蕩而已乃蒙

皇上加恩獎勵

臣跪誦

卿等之美惡即係朕之臧否其間何容分析

溫綸益深慚悚惟有愈加敬畏以圖仰報

高厚於萬一耳所有奉到

聖訓理合繕摺覆

奏謹將原摺一併恭繳謹

奏

覽

同日又



奏為欽奉

聖訓據實覆奏事雍正五年八月初一日臣家人齋回

臣恭報雨澤汎水摺內欽奉

諭旨覽奏朕懷曷勝欣慰地方大吏果能忠勤愛民則和氣致祥蒙

上蒼降福穰穰自然之理也第當勉之又勉慎之更慎毋存絲毫自得之心欽此仰見我

皇上敬

天勤民之

聖心直與乾行同其不息愚魯如<sub>臣</sub>敢不恪遵

諭旨勉之又勉慎之更慎屏去自得之念惟期無負<sub>臣</sub>

職仰報

天恩至於豫省時和年豐汎水安瀾此皆我

皇上敬誠昭格之所致今蒙

聖恩獎勵<sub>臣</sub>不勝慚悚無地益深警惕矣又於<sub>臣</sub>覆

奏密拏邪教摺內欽奉

諭旨隨時隨地留心毋或稍忽欽此臣於邪教一項多方設法密訪稽查而此輩蹤跡詭秘實難得其確據臣正深恐懼無刻自安復蒙

皇上諄切垂訓臣惟有時時刻刻留心不敢稍忽務期匪類時刻在念尤須廣布耳目潛蹤根株盡絕以靖地方又於臣覆

奏雨澤摺內欽奉

諭旨近日秋雨連綿不止朕心甚為憂懼欽此秋雨偶爾過多

聖心即為憂懼仰見

皇上朝乾夕惕之

天心即此已足上格

穹蒼

於月之十六日朕進宮齋肅虔禱自當晚直晴霽至今

必賜晴霽

臣惟

竭誠虔禱

惟祈

早晴一刻

俾

至今

聖心早慰

一刻而

大馬愛

岸潰決處

乘時修補亦不至為

害

大害復一面

遣官數路查賑

被水窮黎已俱各安業實

臣

主之私亦得藉以少寬矣又於

臣

仰賴

奏謝城鄉分緝廳捕協緝一案之

天心

諭旨欽奉

災為福

方能

有此嘉

朕慶幸

感戴之心莫可言

聖諭喻內外大臣悉應如是知無不言言無不盡欽此臣

不揣愚昧稍有芻蕘一得不敢隱匿不言蒙

皇上量竝乾坤明同日月轉圜之美從古未聞不但內

外臣工並思奮勉即極之千萬世而下亦莫不欽

勤敬

公正四字朕自問不愧  
承共仰者也又於臣覆

奏汎水平穩摺內欽奉

諭旨全賴卿等督率各屬竭力勉為欽此黃河水勢關

係綦重臣敢不實力勉為惟幸

聖德格

霜降水落

臣保無虞以後可稍寬懷矣

天河神福祐

臣得以率屬奔走河干共慶安瀾也又於臣

具

奏澤州匪類聚衆拒捕一事欽奉

諭旨更有一革職楊副將文內為何未見此名欽此澤

州一案臣當發覺之初據河北道朱藻懷慶府知

府靳樹賢稟報到臣即於七月初四日繕摺奏

聞此時尚未供出楊副將其人是以無憑繕入直至雍

此事

正五年七月十三日准山西護撫臣高成齡咨

楊副將一犯

臣

隨嚴飭查拏移解知府靳樹賢訪

知姓氏住址令河內縣知縣梅枚借查保甲爲名

密覘形跡已據查有革職千總楊廷選其人該縣

並不嚴訊同居之郝廷栻并連將送令脫逃之武

生楊廷敬詳革衣頂追問楊廷選確實下落止具

稟帖到臣玩縱要犯經臣已將該縣特疏

題叅之後適奉

皇上硃批諭旨臣不勝恐懼竝非臣敢於遺漏不據實

具

奏也現在徧懸重賞設法嚴拏務期必獲以副

斯係要犯務宜擒獲  
聖懷所有微臣奉到

硃批諭旨理合繕摺覆

奏謹將原摺一併恭繳謹

奏

覽



雍正五年八月二十八日河南總督臣田文鏡謹

奏為恭報晴雨日期暨汎水平穩情形仰慰

聖懷事竊查豫省今歲自入秋以來所有晴雨汎水業

經臣節次恭摺

奏明茲復查據各屬報稱自本年七月二十五日起  
迄今一月有餘晴霽日多陰雨日少所種秋禾雜  
糧早者久已曬打收貯晚者亦已刈獲登場即蕎  
麥一種盡皆成實穎粟堅好至於來歲二麥亦俱

各播種再

臣

伏查豫省黃河於本年八月十八日

據陝西寧夏府知府鈕廷彩報稱本年八月初六

日長水一尺四寸

臣

隨移咨正副河臣併嚴飭管

河各官加謹防護外嗣據道廳印汛各官報稱八

月二十一二十二等日共長水二尺七八寸不等

勢甚寬緩亦隨即消落自八月二十三日以後水

勢日益退縮一切堤埽工程俱各平穩總因河泓

刷深並未出槽

臣

查九月初十日已交霜降可保

無虞臣生當

聖世適逢極盛之休惟有勸諭農民力崇節儉耕九餘  
三併督同管河各官益加敬謹竭力修防以期仰  
副我

皇上軫念民生慎重河防之

聖意於萬一而已所有豫省晴雨日期暨汎水平穩緣  
由理合繕摺具

奏恭慰

聖懷為此謹

奏

歲功河防兩俱告慶朕心不勝欣慰之至自春徂秋三  
汎既暢流無阻河泓又復刷深幾許耶隨便查奏以聞

同日又

奏為遵

旨密奏仰祈

聖鑒事竊查社倉積穀一項民捐民守民借民還不經

官吏之手無俟詳請之煩每歲青黃不接之時乏食貧民藉以就近接濟實於民生大有裨益臣蒙皇上天恩畀以封疆重任敢不仰體

天心依法奉行凡府州縣因公進見之時即囑其首先倡捐以為民勸併令勸諭紳衿富戶共勸厥成不得強人不願勒令捐輸亦不得官吏侵收有名無實嗣據各屬紛紛稟報自雍正三年併二年以前本息勸捐穀麥共計十萬九千七百六十七石零

建立社倉七百九十八座分貯各該地方並無虧  
缺業經臣兩次繕摺奏

聞今又據布政使費金吾查據開封等八府所屬暨汝  
陳等七州併所屬各縣彙報雍正四年分仰蒙

皇上聖德格

天雨暘時若全豫連歲豐收民間社倉行已三年咸知有  
益於民士民踴躍又共新收捐穀一萬九千八百  
一十七石零捐麥四百四十一石零豆三十四石

息穀七千七百二石零又內黃濬滑三縣勸捐穀  
六千六百石內除柘城縣修倉動用穀八十石實  
在新舊二項共貯社倉穀麥豆一十四萬四千二  
百八十四石零從此年復一年愈積愈多通省人  
民莫不共仰

聖德於無疆均沐

皇仁於罔極矣但臣復思前項穀石雖不便主之於官  
以司出入然而一任正副社長董司其事恐其中

賢愚不等日久不無虧空臣復密飭正署各官凡

遇接收交代之時同常平倉穀石一例查明出結

諸弊杜絕方能行之永久殊屬周詳妥協但切不可經  
以杜汜爛侵蝕之弊現今俱係實貯在倉且密飭

由官吏之手

各屬或係自行倡捐或係聽民樂輸竝無強捐勒

派虛開捏報之處至於雍正五年秋收後另有勸

捐穀石容臣查明再行繕摺奏

聞所有雍正四年分各屬實在捐貯社倉新舊穀石數

目理合繕摺密奏仰祈



聖鑒謹

奏

社倉一事朕前旨甚明不但便諭行即嘉獎鼓舞亦有所不敢今豫省料理至如此規模實出朕之望外汝可謂善於遵承矣

同日又

奏為豫懇

聖恩仰祈

睿鑒事竊臣一介庸愚荷蒙

皇上天恩畀以封疆重任無時無刻不以察吏安民為

念故每遇屬員因公進見之時臣即諄切教導令

各自奮勉共圖報效然通省屬員中奉公守法者

固不乏人而才堪肆應者卒難多得蓋因其初登

仕籍未能深知土俗民情即欲有所設施以見其

才而未經熟練不克展舒與其得一新進之賢員

不如留一老成之舊吏臣是以每於各官之去留

未有不鰓鰓過計者也如原任陳留縣知縣李鍾  
璠才品敦重辦事亦勤而且熟諳河務因曹國經  
一案奉部行查臣不敢不

題請解任質審然而臣心甚為惋惜茲於本年八月  
初八日接准部咨欽奉

上諭曹國經於未犯事之前經過李鍾璠任所顯無寄  
頓財物情弊此事免其究問李鍾璠著調來引見欽  
此仰見我

皇上至聖至明無微不照奉此

恩綸如臣身受

殊寵又滎澤縣知縣劉永鏞年力精壯才猷敏捷原係

泌陽縣知縣曾在河工承築堤壩深悉河務經臣

題請調補滎澤縣臨河員缺臣復委試他事俱能辦

理無誤洵屬肆應之才若再稍藏鋒鏑則才養竝

優矣亦於本年六月十三日接准部咨欽奉

上諭滎澤縣知縣劉永鏞著來京引見欽此臣即令離

任交代清楚以上李鍾璠劉永鐸二員現在給咨

赴部引

見在案

臣

伏思當此

聖明之世人才蔚起豈乏十倍百倍於此二員者且四

海九州東西南北惟

皇上所使

臣

豈敢因

臣

在豫省欲留此二員於豫省辦

事仰冀

天恩妄為瀆

奏但

臣

自問庸愚才復鈍拙荷蒙

皇上畀以重任汲深綆短日切悚惶惟藉一二諳練熟悉能員共相佐理庶幾得收臂指之效犬馬私忱不得不據實

奏懇

皇上天恩將李鍾璠劉永鐸仍留豫省則

臣

受

皇上高天厚地隆恩殫心竭力所不能仰報萬一者也

臣

為愛才起見不揣冒昧具

奏仰祈

皇上睿鑒施行謹

奏

覽奏已悉該省人員為朕所選取另用於他省者原屬過多然率皆以州縣牧令擢陞郡守監司非以原品原職對調也今既據奏懇留豫俟二員到京引見後李鍾璫自仍發還於爾劉永鎮若才具果好諭部加銜亦發回豫省供爾驅策

同日又

奏為據實奏

聞仰祈

聖鑒事竊查豫省今歲雨暘時若各屬秋禾收成俱有

十分經臣具摺奏

聞今於本年八月初四日據固始縣報稱該縣東關官河一道地居平坦勢最低窪其東南一帶發源於江南六安山由商城固始匯入淮河本年七月十



五日六安山水陡發上流奔騰直下更兼境內連  
朝大雨水勢益急官河水滿一時不能暢洩東岸  
長興集一帶西岸站馬巷一帶俱被水淹民房間  
有倒塌人口亦有被水漂失者適值該縣知縣劉  
縉炤赴春河鎮查驗胡永年家被竊情形亦被雨  
阻當經該縣縣丞鍾時發親赴河岸迅即雇覓船  
隻分路救渡被水居民或暫寓近城親戚之家或  
分棲於菴觀寺廟幸而水勢驟長驟消該縣於次

日回縣水已退去查看城垣倉庫俱未被水併查  
點各寺廟男婦名口按口捐給錢文加意撫恤俟  
天氣晴乾令其各歸舊處設法修理房屋其境內  
俱係水田所種稻禾早熟者已經收穫高原爽塏  
晚熟之稻俱未被淹茂盛無恙其近河低處稻田  
雖經被淹然水退甚速並無損傷仍有七八分收  
於通省中雖止兩村被水然災咎臣等來民命所關理應  
戒慎也成不致成災等情具報到臣等不勝憂懼痛自刻

責隨即一面批令布政司遵委息縣知縣宋會

同光州知州趙紀星赴確勘適值南汝道孫蘭芬

因公來省一面飭令布政司動撥庫貯耗羨銀二

千兩發交該道帶往確查實在被淹男婦分別賑

似覺太少

被淹

恤務使災黎均沾實惠毋致失所在案又於八月

十九日據固始縣報稱長興集站馬巷二處除衝

與卿等不能網繆於早之所致經歷一番後須查通省

倒瓦草平房數目尚未查確其被水人民共八百

內如有類斯可虞之處俱當預為區畫消患於未然司

庫所存耗銀正宜於此等事務動用也已另有諭旨頒

到臣臣查此係上流山水驟發一時河不能容以

下

致漫溢兩岸淹及居民一縣之中止有長興集站

通盤

計奠固不成災無庸具題若據彼一家一村而論

則已

被十分災矣其苦何可勝言此等戶口宜密囑該

州縣

停免徵比竟動撥耗羨代為抵補錢糧斯為善舉

題請

蠲免錢糧且耗羨亦係庫帑賑恤均受

事雖

越例不妨記明朕旨存案即一面飭諭該司遵奉

皇恩

是以未敢冒昧具

施行

題除俟南汝道孫蘭芬等查明實在被水人口房屋

確數賑恤得所緣由併賑過銀兩數目詳報到日

再行確核另摺具

奏外所有固始縣臨河附近居民被水併委員查賑  
緣由合先繕摺奏

聞仰祈

聖鑒為此謹

奏

料理雖屬合宜恐又不免謹災之論耳朕於所降諭旨  
內畧帶數語發出時爾自得知悉

同日又

奏為請定查驗盜賊出入情形之例併嚴事主捏報盜案之條以廣

皇仁以重民命事竊惟盜賊為害民生查捕不可不力

人命關係重大究察不可不詳臣查民間凡有一

戶被盜具報到官一面出批僉差四路追捕一面

移會營汛併鄰邑文武官弁添差協拏仍一面通

報督撫巡察司道府廳批令嚴緝四箇月限滿題

叅疎防限年緝賊逾限不獲再限一年分別降調

如拏獲賊犯以獲盜之日起扣限一年審解核題  
此定例也而且鄰佑亦干責處汛兵復予杖懲無  
容寬假何等嚴切至於地方印官不親詣查驗出  
入情形從未見有處分事主捏報盜案亦未確有  
定例臣查例內止有旗人以竊報強鞭一百亦未  
定民人以竊報強作何治罪至雍正四年二月定  
例事主以竊報強挾制官府妄行控告者查明治  
罪以過刁風等語亦未定以應治何罪若竝未被

竊捏報強盜者更未定議臣蒙

皇上殊恩畀以封疆重任無時無刻不以緝盜安民為  
已任州縣一有失事批查甚嚴如有諱匿情弊立  
即糾叅不敢少有瞻徇遂有一等頑劣之輩見縣  
令畧加約束即拂其情希圖報復以快私憤且見  
定例無事主捏報罪名報盜認贓之外又不許苦  
累事主遂妝點被盜情形張大其詞或毫無影響  
而突稱強盜刦殺或因別項事由而輒謂大盜刦



財或偶被小竊失物而捏作羣盜拷逼種種不一  
總因州縣官慣能諱盜抑勒事主故定例將州縣  
處分特嚴將事主俱從寬典乃不謂刁惡之徒視  
事主為地方官所無可如何之人妄自尊大以逞  
其姦捏報之後多不能審出虛誣終得脫然事外  
所以肆無忌憚也又州縣官因無不行親驗處分  
只圖安樂一聞民間被盜不但漠不關心抑且以  
為害已不過喚鄉地一問委衙官一查給捕役一

批而已未經親驗情形強竊從何而辨虛實從何而分只得甘心受事主之挾制不敢再措一詞因而人皆效尤毫無顧忌此刁風之所以固結而不可解也官懼其捏盜陷害則凡事不敢與惡人爲仇而彼得肆行於一州一縣之中縱有強項令亦不得不委曲調停求悅於衆其為害豈可勝言且一經報盜之後四月限屆即叅疎防一經題叅之後審係非強亦難開脫蓋叅過疎防則部中有案

限年不獲則處分甚嚴官畏處分必勒比捕役役  
畏嚴比必誣拏平民承審之員急欲完案豈肯任  
其申訴限期緊迫急於成招箠楚之下何求不得  
况有捕役為之栽贓買贓教唆口供扳累無辜則  
遂成鐵案雖經撫臣司府歷審而該犯畏懼駁審  
加刑不敢翻供只得依樣招承撫臣覆審萬一不  
加詳慎照此具題部覆不數月而駢首藁街矣以  
竊盜而膺斬決之嚴刑已是由輕入重以平民而

代強盜之大辟更屬負屈含冤上干

天和下戕民命揆厥由來皆地方官報盜不驗之故也臣

竊以為辦盜案之虛實強竊必須責令地方官先慎之於始一聞報盜不論遠近無分風雨立即會同營汛飛赴事主之家先驗前後出入情形有無撞門毀戶再驗有無遺下器械油捻之類再驗事主有無拷燎網扎傷痕并訊地鄰更夫救護人等有無聞見影響則是虛是實是竊是強思已過半

然後再加詳審事主雖狡口如簧亦斷不能遁飾  
矣如云定例不許苦累事主不敢過問則又不然  
實在強刦則事主報盜認贓之外自不得畧有苦  
累至若盜係捏報事當推求者此非事主也誣告  
之犯人也正不得謂之苦累也況公道自在人心  
定例豈可拘泥乎臣查人命屍傷例應印官親詣  
檢驗不許轉委佐貳雜職如印官公出亦必詳委  
鄰近印官代驗強盜重情與人命無異臣請嗣後

凡有呈報強劫盜案照依檢驗屍傷之例責令州縣印官親詣事主之家查驗出入情形遺下器械拷燎傷痕當場查訊地鄰口供俱填註通報文內若印官公出即令衙官專差申請鄰邑印官代驗通報其衙官與防汛武職飛赴追擒若仍委衙官代驗或公出而衙官不申請鄰邑查驗或鄰邑推諉不即赴驗或竟將未曾目見之情形捏作親驗填報該管道府與直隸知州併管捕廳員將不親

驗情形之屬官徇庇不揭一併

題叅請

旨敕部嚴加議處至於以姦命鬪毆等事而捏報強盜者除本罪屬重照本罪治罪外如本罪屬輕應否即於本罪上加等治罪以竊賊捏報強盜者應否照旗人例以鞭一百作杖一百折責有所挾制而憑空捏報強盜者應否即依誣告人死罪未決律問遣若果係被刦地方官因有懲治捏報之定例

借詞抑勒苦累事主以圖諱匿除照定例革職外  
應否亦照誣告平人加等治罪伏乞

皇上敕部一併定例施行臣不揣愚昧敬獻芻蕘是否  
可行伏候

睿鑒為此謹

奏

為此盜案一節朕自即位五年以來曾經日夜思維總  
無善策不得已而惟嚴責督撫大吏俾督撫大吏嚴責



州縣有司有司自必勤比捕役勿令玩愒疎縱庶被失之家不致抱恨莫伸蓋以為稍若懈弛則仍復如故是以執意行之而無疑也今卿所奏亦未嘗不是第恐此法一施刁惡之徒固應斂退而馴良怯懦者不敢報盜矣非不知盜案叅例原屬過嚴無如勢處兩難寬嚴俱滋流弊試稍寬一步或可從容奏效因命各部院曾任外吏之堂司并科道等官會議不限以日期俾得詳籌熟計朕更悉心體究議定後另有諭旨

同日又

奏為據實奏

聞仰祈

聖鑒事竊查山西澤州妖言聚眾等事一案臣於雍正

五年七月十三十六等日接准山西護撫臣高成

齡咨拏楊副將即楊廷選等各犯又據各屬報稱

據山西澤州知州劉毓崑關拏翟神仙即翟斌如

各犯臣隨選差妥幹員役開明各犯姓名年貌住

址令其四路密訪嚴緝務期必獲解晉收審仍懸  
示賞格不論諸色人等有能拏獲楊廷選斬廣一  
名者臣即捐賞銀二百兩餘犯一名賞銀三十兩  
復咨會巡察戶科臣張元懷照會南北兩鎮飛行  
按察司各道嚴飭地方文武密行躡緝不遺餘力  
且令塘鋪兵丁於關津界口盤詰放行鄉約地方  
於村莊煙戶嚴查保甲各在案臣查翟神仙即翟  
斌如併弟翟相如陳桂田瓜即陳二又名陳志榮

併子陳雲楊世龍楊世虎楊鐵山郭海龍郎裁周  
三即周叔方程廷賓宋文元併羽黨張三陳彥武  
陳新惠容留焦養祿之郭五郭萬舟郭里舟王小  
成俱經拏獲解晉收審訖尚有楊廷選靳廣焦養  
祿王君祿申三衛智賈四即賈坤全樊百川衛四  
聞先生張冉公劉三范溪李二又名李三閔登雲  
共十五名未獲現在嚴拏務期獲解再晉省咨拏  
陳桂供出之殷道士有三百多歲在濟源縣南窪

住併侯石仙臣隨即密拏去後濟源縣竝無三百

多歲之殷道士止有

關帝廟居住之尹道士年七十二歲已於本年四月  
十二日病故復據懷慶府知府靳樹賢查明病故  
是實亦無侯石仙其人止有一侯述先雖字音相  
同却係務農村民現在飭審確實移解又經臣委  
據開封府知府陳世倬會同懷慶府知府靳樹賢  
將資助放走楊廷選之河內縣武生楊廷敬併伊

兄楊廷棟提至省城隔別研訊據楊廷敬供出楊廷選與陝西興安州鎮臣劉世明併劉世明之弟劉錫瑗素相交好於本年六月二十八日前往興安州任所投劉錫瑗等語又據楊廷棟首供羽黨濟源縣人周敬菴李渭南翟明遠尹道士河內縣人孫茂先顧清宇胡無瑕郝老二孫仁文王孝貽張其相劉錫瑗王結孫龍文侯榮先馬靜遠等十六名俱係楊廷選糾約為匪之人臣即一面備文

選差弁員令其星赴興安州鎮

臣

劉世明任所密

拏楊廷選劉錫瑗務獲解晉收審併移咨川陝督撫諸臣轉飭協拏一面嚴飭懷慶府知府靳樹賢星夜馳回懷郡密拏周敬菴等務獲今據該府靳樹賢報稱內除周敬菴即周叔方已經拏獲解晉收審惟翟明遠一犯於本年五月十七日往鄧州未回已行文選差密赴該州緝拏務獲去後其餘各犯俱已全獲現在解交開封府與楊廷棟楊廷

敬質訊是否楊廷選糾約為匪之人再行移解晉省收審除俟拏獲楊廷選各犯另行奏

聞外所有豫省准咨獲犯名數理合繕摺奏

聞仰祈

聖鑒謹

奏

好此案人犯竭力緝捕毋令一名致有兔脫

硃批諭旨卷一百二十六之十